

劉兆祐博士主編
中國史學叢書三編

萬曆嘉定縣志
(二)

臺灣學堂書局印行

劉兆祐博士主編
中國史學叢書三編

萬曆嘉定縣志
(二)

臺灣學生書局 印行

嘉定縣志卷之七

田賦考下

漕折始末

萬曆十一年本縣糧塘里老等役通狀

告爲海邑十分

窮迫懇恩破格恤處以蘇殘喘事切照本府
賦額固重所屬俱派漕糧緣各州縣地勢平
衍多種稻禾卽以所產供其所輸公私兩便
惟嘉定一縣三面瀕海高阜亢瘠下注流沙
貯水旣難車戽尤梗版籍雖存田額其實專
種木綿澇則盡渰旱則全稿加以颶災時作
十歲九荒小人之依全倚花布其織作之苦
無間于晝夜暑祁至貿易之艱常任其低昂
貴賤賦稅出納酸楚萬端如以米納糧則百
姓旣受糧長之抑勒每倉米一石而倍收二

石之價者有之以糧出兌則糧長又受官
之迫脅每漕糧百石而橫索五十石之賄
有之彼此歲見喧爭有司時被叅罰此無他
米由市易則販夫難必其無獎糧從京運則
濕碎烏得以無辭視之他縣自米自兌誰敢
聲言故蘇屬之中未有掣肘如嘉定者也相
沿二百年來猶可勉強支持者則以生理可
資而催徵之例尚有緩急也今北方自出花
布而南方織作幾棄於地矣法禁加嚴而本
折交併不待春熟矣兼之地方蕩析之禍無
歲無之卽蘇州府屬已不能堪而本縣橫
罹海嘯則又有慘不忍聞者故九年缺兌則
借商民矣十年缺兌則那官帑矣今歲疫氣
流行道殣相屬人煙蕭索東作不興萬一有
秋未有不耕而穫者假令缺兌更當以借商
那帑爲長策乎若不懇恩通變大破常格
一爲恤處比之孱夫肩重日遠日難今不爲
之少釋其擔負其人必顛蹶死矣比奉恩

詔准所在改折漕糧之半以槩惠元元德意甚盛嘉定之積疲其徼惠宜莫有急焉者草野愚民不敢妄覲減額乞將本縣漕糧查照改折事例奏請盡數徵銀解京永免撥兌自此逃移可復荒蕪漸墾民生不至於日蹙矣

戶部移咨查勘

本部看得南直隸嘉定縣糧塘里老等役通狀告稱本縣土地

沙瘠不種稻禾專種木棉槩縣原派漕糧十萬六千有奇往時全賴花布貿易以爲完糧之資今北方自織花布南方幾棄織作雖種木棉亦難措辦完官况去年橫罹海嘯今歲疫氣流行連被災傷本色漕運實無所出乞要改折永免撥兌一節又經該司面審前情爲照有田則有糧若果所告田地不堪種稻是的槩徵本色委屬苦累但該縣本色稅糧歲額一十萬石有零若遽改折將何抵補近奉 恩詔萬曆十一年分除舊例折銀及應

本縣查議

嘉定縣知縣朱廷益勘得實徵田地

兌分數外其餘以十分爲率地方有災者改折伍分無災者改折三分該縣既有海嘯等災本色歲糧全折一年少紓民困似應俯從若永久改折有虧本色原額事在彼中相應查勘煩查嘉定縣本色稅糧雖奉有恩詔應否全折一年再查該縣田地堪種稻禾應徵本色者若干堪種花荳等項及荒蕪應徵折色者若干若本色短少折色太多應將所轄何項錢糧照數處補此係漕糧四百萬石之數務使國計民情兩不相妨經久可行庶爲便益通將所告情由備細查明仍從長計議停妥具題前來以憑覆請施行

頃一十七畝四分七厘六毫內有板荒田地一千三百一頃九十分七厘六毫內有板荒田地餘畝堪種禾田地止一千三百一十二頃五

十餘畝復集鄉耆父老酌議得本縣地形高亢土脉沙瘠種稻之田約止十分之一其餘止堪種花荳但遇靈雨則易於腐爛遇旱燠則易於枯槁又海嘯之虞不得有秋十年之內荒歉恒居五六用是小民日至流移糧長日至疲困往往缺兌下累上繁百姓負重力疲勢窮財盡爲此瀝情具告籲天呼號情殊迫切必得破格優恤民得安生所議改折漕糧必當經久但奉部劄咨准改折先議漕糧作何抵補誠爲長慮但在本縣並無別項錢糧堪補細查本縣田內宜種稻禾者照常該派本色米一萬九千六百七十四石二斗六升一合而縣額有歲派南北二運白梗糙糯春辦夫船正耗平米二萬六千四百一十九石九升一合五勺存留儒學吳太軍儲平米一萬一千五百九十七石八升七勺勢不免用本色則前項漕糧十萬六千六百七十一石八抵其前項漕糧十萬六千六百七十一石八

斗九升委無措補隨查祖制額派山東王
允正米二十八萬石河南正兌正米二十七
萬石湖廣正兌正米二十五萬石備奉改折
一十七萬七千七百三十四石七斗聽彼省
徵銀解部今照嘉定土宜木棉且以湖廣等處米
而一例運米致民困難且以湖廣等處米
多糧輕尚得改折則本縣米少糧重尤應議
改况設漕糧止爲給軍今議邊軍十一月十
二月以銀米均給似折銀亦足抵放而易於
轉移者合將本縣前項漕糧比照山東等處
事例請准改折徵銀解部以備邊軍十一月
十二月銀米均放之用則解銀卽同運米不
必別議抵補而漕額之正數
自在殘民之偏累自蘇矣

本府覆查

蘇州府知府朱文科覆看得嘉定縣
僻居海隅地多岡壻宜種花荳鮮植
稻禾故往時小民完兌未免賣花易米以充
漕糧夫何邇年以往凶荒疊起凍餒剥膚瘟

疫纏綿死亡相枕以致拋荒連陌逋欠日增
地方視諸疇昔已百倍其狼狽不可收拾矣
茲者屢蒙蠲賑復將萬曆十一年分漕糧全
折而遺黎稍得安生今奉明文查議經久改
折一事節經行據該縣覆勘實徵田地塗蕩
等項共有一萬二千九百八十六頃一十七
畝四分七厘六毫內除板荒積荒及可種花
荳等項共一萬一千六百七十四頃五十五
畝七分三厘六毫其餘可種稻禾者止一千
三百一十一頃六十一畝七分四厘計筭平
米照常應派本色一萬九千六百七十四石
二斗六升一合卽以此項抵補該縣歲辦南
北二運京糧及存留軍儲等項尚屬不敷况
兌運漕糧十萬六千有奇果從何處今據該
縣比照山東等處事例請准改折徵銀解
部以備邊軍十一月十二月銀米均放及漕
運議單欵開改折漕糧一十七萬七千七百
三十四石七斗內山東河南各七萬石內各

二萬每石折銀八錢五萬石每石折銀六錢
解薊州湖廣三萬七千七百三十四石七斗
每石折銀七錢解太倉以上俱在四百萬石
之內者合無俯從所請准將該縣歲辦南北
二運京糧及存留軍儲等項共用本色米三
萬八千一十六石一斗七升二合二勺內除
稻田應徵本色米抵數外尚不敷米一萬八
千三百四十一石九斗一升一合二勺仍將
該縣所產花荳易銀買米以足前項本色之
數其餘應兌漕糧十萬六千餘石悉照山東
等處事例不分正兌改兌連耗每石折銀六
錢徵銀與同各屬應兌糧米一齊解京相兼
放給邊軍月糧支用永爲定例其省下輕簡
蒔木板銀俱免徵派庶歲漕之正額不虧而
嘉民得受無
疆之惠矣

兵糧道覆查

兵備副使李順看得嘉定地方高
亢沙瘠不宜於穀民間惟種木棉

紡織易銀易粟以供賦稅其來舊矣第先年
時和歲豐民力尚可支持卽甚疲累固不以
瘠土爲厲已也乃今水旱頻仍兼之海嘯繼
以疫癘飢殍相屬遺子幾何田野鞠爲草萊
閭閻半以逃徙一人其境而呻吟愁苦之狀
甚有不忍見聞者頃蒙題請蠲賑復將萬
曆十一年漕糧悉從改折爰是僅存之民猶
然戀其故土但當此積困之餘正宜破格撫
恤堅其樂生之願若此後歲派漕糧仍徵本
色彼其習見終歲勤動以銀易米之艱又時
構災荒疲竭不支之候旣不聊生必益流竄
是以百姓赴部陳懇欲將額徵漕糧永爲改
折亦其切膚之災不容自己者也查得該縣
會計實在田地塗蕩等項一萬二千九百八
十六頃一十七畝四分七厘六毫額該平米
三十七萬八千六百三十五石五斗六升九
合八勺除折徵京庫金花米麥折草折鹽鈔
絹布蠟茶并各項料價及兵餉等銀共一十

三萬一千一百兩有零外餘俱徵納本色內
該漕運正改兌米一十萬六千六百七十一
石八斗九升南北二運京糧米二萬六千四
百一十九石九升一合五勺存留儒學軍儲
共米一萬一千五百九十七石八升七勺已
上俱係歲徵之數民間紡織竭力供輸甚或
荒區銀米致派人丁代納又強半出于糧里
包賠今據勘稱該縣田地宜種稻禾者止有
一千三百一十一頃六十一畝七分四厘應
徵本色米一萬九千六百七十四石二斗六
升一合抵辦南北二運其餘不敷之數并本
色存留軍儲等項俱聽計處外其兌軍糧
一十萬六千餘石欲照山東等處事例
請改折仍照近年恩例不分正兌改兌每
石折銀六錢解部抵給京邊軍士月糧支用
其輕齋蓆板等項蠲免於民以示寬恤及查
原奉部文內開漕糧四百萬石係是額數若
本色短少折色太多要將所轄別項錢糧處

補但所轄地方一應錢糧各有正項支解並無盈餘難以抵補况所議改折之銀作爲京邊軍士折色月分支領是糧雖折徵無損度支之舊而京儲紅腐又堪變通之時揆之事理似屬可行合無軫念海邑素不產穀况今災疫特甚俯從所議蚤賜題請將該縣歲派漕糧盡數改折永爲定規或折徵之惠法不爲常亦乞暫從改折六七年候其流移漸復荒瘠再闢之日另行議處則在廟堂獨不費之惠而在災民沐更生之賜矣

撫按會題

巡撫都御史郭思極會同巡按御史邢侗題稱臣惟任土作貢實經國之

成規而本折兼徵迺祖宗之舊制若非地方有極重之災民情不可已之勢夫孰得而輕議又孰敢爲溷乞哉今照江南地方災荒迭見死徙相仍地利民生大非往昔至如嘉定一縣則又僻居海濱土瘠民貧較之他邑凋殘更倍故臣入境之初卽據士民口語糧

里呈詞咸稱收折爲便蓋緣事關重大隨行
所司會議未敢遽有請也嗣遵奉恩詔該
臣會同按臣乞將該縣萬曆十一年分漕糧
盡數改折業荷俞允用是予遺之民寢寢
然有起色矣第收極之地非一歲可以全蘇
而深湛之恩必積久始克有濟該臣會同巡
按直隸監察御史邢侗看得嘉定之民不禁
剥膚之災敢爲彙名之懇致厘戶部備咨行
查夫亦欲慰疲瘠之哀鳴期便益之計畫耳
今查得該縣堪種稻禾之田不及十分之二
所徵本色尚不足以春辦白糧及存留等項
之需則是十萬有餘之糟糧非取措之小民
織作必藉之花荳貿易轉輸之數既繁措索
之弊滋甚自是拖連日衆役累繁興困苦流
離茫不知所其於民生國計不兩爲岌岌
乎茲據諸臣所議欲將嘉定縣起運漕糧比
照山東等處事規仍照近奉恩例不分正
改每石折銀六錢依期徵解抵給京邊月糧

之用其輕齋等項徑從寬免參互考訂委爲
可憑夫以三省歲折之常規準爲嘉定一邑
之新例揆之事理本屬通融以照石抵折之
銀兩用爲京邊軍餉之正支律以額儲原無
虧損卽此一時權宜之術未必不可爲該縣
經久之法也且京倉正值充盈而邊廩率多
委積則又萬萬無他慮者哉卽不然而改此
一邑之入槩以四海之均輸不翅江河之視
涓滴然計夫一邑之沾被誠何異骸骨之傳
皮毛乎頃者司計大臣條上方畧就中及于
改折曾不崇朝卽蒙嘉允而况東南極重
之地頻歲佔危之鄉覲同仁於一視而祈變
通以宜民非聖心之所垂軫者哉伏乞
敕下該部查議上請將嘉定縣應運漕糧
一十萬六千六百七十一石有零俱准於萬
曆十二年爲始查照議定價值盡行改折每
年徵銀解部永爲定規庶國課不致有虧
而海邑世世獲樂生之慶矣若謂本折自有

部覆

定制難于變更竊望皇上俯念時艱姑行
數年需之漸積候後時和歲登民力饒裕仍
徵本色起運似於歲計亦無妨也臣等無任
懇切待命之至奉聖旨戶部知道
該戶部看應天撫按郭思極邢侗等會題
本色尚不足以春辦白糧等項之需其漕糧
十萬六千六百餘石皆係花荳貿易買米轉
輸要照山東河南湖廣事例改徵折銀各一
節為照漕糧四萬石所以供軍儲之需
祖宗時斟酌損益毫不可缺間者遇災蠲恤
或倉廩委積則量議折徵少紓民力以充公
帑要於本額之內亦不容一毫虧損者也又
查各省直地方一遇改折便至逋負與本色
者不同此無他兌軍集于水次勢不容緩而
折色則次第輸納催科因之而少怠奸民由
之以觀望原額既縮國用日詘殊失改折
初意今撫按諸臣疏請嘉定縣濱海濟土

不堪稻禾要比山東河南湖廣改折事例永
爲定規據稱以改折之銀兩作月糧之正支
雖云儲額無虧然行之永久恐於成憲有
礙且山東河南每省各折七萬石派之各府
非專一縣湖廣先因安陸荆州二衛改爲
顯陵承天改折三萬七千餘石又非他邑所
得例論者也祖宗二百餘年之定制未敢
輕議但欲暫行數年似當酌處如果以時輸
納無虧國課聽其隨年題請如或仍前逋
負致失本額則又不若起運本色之爲便也
既經撫按會題前來相應議擬上請恭候
命下本部移咨應天巡撫都御史及咨都察
院轉行巡按御史備行道府將嘉定縣萬曆
十二年分應徵漕糧十萬六千六百七十一
石零暫准改折一年正兌每石七錢改兌每
石六錢蒔板脚耗俱在內預先開徵及遇兌
糧時候卽以本色糧米一併起解不許拖欠
如該年折銀依期完解以後年分再議題